



CAPUT XXX.

De Sequestratione aliisque remediis provisionalibus.

§. 316.

Quum lis erit inter Actorem, & Reum; utri Possessio rei, vel juris alicujus possessionarii competat, ut in exemplo, quoad enatam quampiam remotam successionem, ad quam utraque pars jus præ alia se habere prætendit, neutra interim ad plenum, & reale possessorium, obnitente altera Parte pervenire potuit, item quoad plagam antiquiori Controversiæ metali obnoxiam, quam neutra Pars pacifice possidet, verum una per aliam continuo turbatur, et quam utraque Pars ad terrenum suum pertinere prætendit, ac promiscue usuat, evenire potest, ac neutra Pars de Jure possessionis ad se spectantis in continenti docere queat, utrolibet postulante sequestratio, vel si fieri possit, judicialis rei controversæ depositio decernenda est; communi

attamen pascui, et moderato lignationis focalis, non vero ædilis usu in plaga prædecla-
rato modo controversa medio sequestri tem-
pore pro utraque Parte in salvo permanente.

§. 317.

Si Actor super re, vel Jure possessiona-
rio, quam vel quod reus possidet, Actionem
moverit, & periculum subesse demonstrave-
rit, ne Reus conventus pendente lite rem li-
tigiosam alienet, pessumdet, aut realiter de-
teriores reddat, idem alienationi quidem, &
pessumdationi Inhibitione tam erga Possesso-
rem, quam & generaliter quoscunque rem,
aut Bonum tale fors emere, aut in pignus re-
cipere volentes, & hos quidem sub amissio-
ne pecuniarum suarum ex publico facienda
obviare debet; in casu vero deteriorationis
Actori erga oblatam idoneam Cautionem pro
damno, quod Reo evenire queat, integrum
esto sequestrationem implorare, qua super
petitione dies Judicialis statim præfiniendus,
in eo exceptiones Rei conventi audiendæ, ac

comperta Expositionis realitateres, aut Bonum sub lite existens, in ea parte, in qua periculum realis deteriorationis jam fors etiam inchoatæ, uti exempli gratia in Sylvis fundate remonstratur, sequestro Judiciali equidem afficiendum, Reus tamen, si cautionem idoneam præstare potest, in possessione relinquendus, secus autem realis, & effectiva sequestratio erga præstandam per actorem sufficientem cautionem sententia mediante decernenda est.

§. 318.

Concessa reali sequestratione ambæ partes intra 14. dies postquam sententia intimata fuerit, de sequestro constituendo inter se conveniant, eumque intra eosdem 14. dies iudici proponant.

§. 319.

Quodsi sequestrum non elegerint, vel quælibet Pars alium proposuerit, iudex utriusque periculo sequestrum constituito.

§. 320.

Sequester semper a iudice Decreto muniendus est, quo de ipsius electione constet, in eoque rem, vel jus possessionarium sibi commissum pro ea, quæ bonum œconomum decet, diligentia administrare; fructus attamen, nisi iudex vel propterea, quod prætentio actoris hos quoque in toto, vel parte exhaustura sit, vel vero quod in casibus §pho 316. memoratis de neutrius possessione certi quid constet, aliter disposuerit, ipsi possessori resignare jubeatur.

§. 321.

Sequester quotannis haud tardius 30 diebus post finem anni rationes administrationis iudici exhibeto; hic vero easdem utrique parti, & quidem, nisi aliter inter ipsas conventum fuerit, ad manus actoris communicato, eum in finem, ut rationes vel approbentur, vel defectus accusentur; super quo deinde ita, quemadmodum circa alias rationes reddendas, procedendum erit.